

南征集卷八

詩

贈碧居禪師并序

碧居大師為金粟上座退修於龍峯巖布衲一床蒲團一具真樂

在中蕭然物外客至則喜盡出所有為供具不問明日師以為迷


悟雖殊物性則一不廣延納後生何繇聞道哉所交遊多知名士

夫名之為天下病久矣師因病發藥哀而救之非樂而收之也謝

永嘉之慧業文人應生天上不遇名師填坑落壑亦豈有極乎余

入閩來遊龍峯巖喜遇名師因次壁間韵一律

下方猶見氣蕭森峭壁凌空結地陰古樹千盤垂法雨海天三月洗



清音門前青靄歸雲市洞口蒼苔護石心一自吾師飛錫後芒屨踏
破月痕深

登德成巖贈省言虛白二上人

手持禪杖赤騰：直上高原第一層洗鉢安盂今日也騎牛穿鼻幾
時曾會須一把開山斧便斬千年繞膝藤見說上人垂正眼黑雲堆
裏撥明燈

林

石磴幽岷結道 高人於此濯塵襟一間茅屋能棲性數畝荒田可
種心豈是香山先有約故於玄度得相尋他年撒手同歸去蘿月松
風送好音

謀 以十六日入福州鄭平虜率舟師退還安海却在十一日

也感而賦詩

樓船十萬號稱雄旆：旌旗煙霧中胡虜還唾城是紙將軍無復氣
吞虹鐵衣夢斷關山曉銀漏催聲海日紅斗膽崖山猶一戰祇令空
憶鄧州公鄧州留侯公世保

威名赫：震關東駕海人疑百丈虹大將已無長揖客天王唯有降
心公恐聽代馬嘶秋月那見飢鷹漾曉風喪亂孤臣消受慣不堪風
鶴到皇躬

福州一都會也人物錯列甲兵駢羅虜入延平截水可守背城可
戰萬一不幸棄之未晚今虜未入境而棄城以待：者半月矣
而虜卒不入其愛我乎其畏我乎元次山云幸蒙其哀憐而已

觀虜之勢與其用心恐亦無哀憐之日也碧居師自長樂歸言
省城齊公諱巽者鄉貢士復散家財招義勇為城守計余聞其
言而壯之因作詩以紀其事西歸好音亦猶匪風之志也

三山浪說帝王州識有三出十騎飛來散楚謳虜到延平雪窖未聞

歸漢節洪承疇閩人為虜所用天子之句桃源爭有避秦舟空城月色寒征旆夜柝潮聲

泣成樓為說齊公還鞠旅一枝松栢壯高秋

贈富平伯張侯服

此公由温州入海時作

駸駸騎羽林軍百戰聲名天下聞知有麟書埋血淚定看龜紐印
波紋心依漢使猶瞻斗手把天弓欲鎖雲故國山川荆棘裏雙携日
月掛江濱

贈威虜侯黃虎痴

拜劍承恩雨露間軒車日送出雲關一肩日月千秋擔百戰威名萬
仞山叔子遺風垂帶緩征南餘業著書閒聖恩能許臣能報勾當江
南公事還

山居岑寂勉學玄曠然而風穴所在草不生焉其為侵啗者多

矣予私念世情似若可了唯聞聖駕所在則引綠穿穴不可

禁止碧居上人自長樂歸傳聖駕已至贛州其說自確又云

皇上與聖母單騎至一村後騎追急猝投蔣姓之家須臾虜

至詰問再三終不洩虜搜捕此人則呼鄉勇與戰虜敗而還

聖駕得出嗚呼此人真義士哉惜傳者之逸其名也

虜騎星馳下劍川，王師十萬散寒烟。
荒村未解百金劍，遠道誰遺七寶鞭。
野老無心雲閣畫，竒功自足錦囊傳。
人情爲結河水合，此日滄沱可卜天。

宿東林寺聞舟中歌聲曰此飛幕也其能久乎賦詩名曰泣燕
猶堪澤國小和句其奈諸公盡作逋
瀚海波連山勢壯樓船曲度夜
聲孤歌來上堵人猶爾淚落江洲我獨吾
鐘歇香殘古寺裏愁深還
有未棲鳥

留別碧居虛白二上人

一雙黃鵠別斯須，拂拭慈悲任卷舒。
廣柳車中能脫季，漪蘆舟上獨憐胥。
芭蕉種綠書猶濕，上人愛我書桐葉飄聲話未疎。
此後月明山有夢

夜深還到遠公廬

答語石山人贈別原韻

水：山：到處逢知交，零落幾相從。
悲絃欲起池中鐵，哀調如聲洛下鐘。
燕子東風昨夜恨，蘆花明月舊時踪。
因君未識三閭面，爲畫瀟湘憔悴容。

憶西湖六首

一入西湖水面齊，長堤連卷臥虹霓。
畫樓語燕聲：暖繡陌間雲片片，
低幽吹別來孤峙曲，小舟橫艤六橋西。
行人日暮都歸去，花影參差誤馬蹄。

夢折垂楊踏舊堤，數聲簫管著人迷。
湖光不散風波恨，山色猶含煙

雨淒幾處高樓歌白紵誰家別業轉黃鸝江南景物都歸北只有西湖尚姓西

西湖誰似浣花溪禍水沈吳報會稽闔闔門前荆棘亂姑蘇臺下鷓鴣啼傍堤柳色嬌蘆管隔岸潮聲壯鼓鞞一道迴波流恨處花草綠不堪題

西湖誰似武陵溪載隱沈名入陘樓水面流花迎客至山中飛鳥近人栖月明自照秦關古酒坐誰傷晉祚西為問浙江潮對處至今還有義鳥湖中

一從帝子散風流湖上年：發棹謳石笏高呼三仗曉粧臺雲映六宮秋龍舟微動香烟遠玉輦初迴花夢柔莫笑宋人歌舞地汴州拚

得有杭州

門外清波：未清綠羞紅泣鼓鞞聲羶風夜度千群立落日潮生一艇橫戴笠鏡看新達魯奉符人是漢宮卿西湖汝亦無情子不載吾玉入鳳城

紀夢二首

隆武皇帝即位閩中肘掣於鄭氏彌年不出兵安坐稔敗未免為將來識人所悲嘆然其宸章電洒聖度軒豁得一言如霹靂在心目間一種混：漉：持大體不拘細故卓犖英絕酷似我太祖小臣私謂此帝不中興不中興矣舊秋巡幸車駕未蹕必何所至今耿耿天祚大明聖曆萬：年天下忠義士往：而有明皇返蜀琅瑯

忠介公文集 卷八 五
渡江重整基業再振聲緒其然必也近又聞聖駕在大帽山語涉
不諱酸楚聽聞吐作怪嗟乎小臣萬死不死而今日者何也越
兩日夢至大廷如哭臨狀須臾兩人昇竹篙至一幼子為喪主拜
且哭余素衣冠曳首杖呼弟輩四五人往哭之胸門醞釀血淚若
斗斛許楚極鳴不能聲卒大慟妻子驚怖起抱持再三呼乃醒
然牀頭枕席已濕盡矣豈王符所云人有憂即夢其事固紀想之
夢耶抑夢哭泣者且而獵吉凶之來固以相反耶得是夢後遂不
寢起作二詩紀其事昔杜子美夢太白詩云故人入我夢明我長
相憶父子君臣朋友別則思久則憶望而不至則夢則哭情之至
也覽余詩者其知余心

萬斛愁心不可量風前珠淚洒千行節旄臥漢人誰是海島悲田客
未亡定有江洋迎帝子會看紫蓋入荆揚小臣帶有申胥哭無地呼
秦夢自傷

故國山河擲逝波海潮書恨不勝多一番花信憑誰逗幾度麟書只
自哦處春風摧玉樹年秋草泣銅駝浮生為客憂為主夢亦悲
哀曉奈何

祖望按先賢公者以此夢乃報王北來計音之先兆也且以見公
之忠誠格天

與門人洪伯玉總戎

豪氣翻裘馬問天河手挽洗時艱誰呼夸父來爭日獨有愚公欲
走山劍隱豐城動牛斗酒遊燕市狎塵寰雙懸日月征騷上藉爾英
風滿載還

海上聞信

潮來枕畔泣潺湲盡是孤臣淚血潛雲外山河難著眼愁中花鳥亦無顏傳聞帝子開靈武復道國兒出玉關不謂皇天真欲殺一番虛信也還慳

醉茶齋步薛子熙韵有序

衡升長者也相對道風穆然謾如長松下坐爾傳少年蘊藉勇於為義皆以淡味交者古人稱人每云如飲醇醪不覺自醉余謂醇醪膩物猶有俗態請以淡味一浣濯之時衡升方戟茗而肥名其齋曰醉茶夫茶豈能醉人知其味者且暮遇之衡升復扃門掃徑曰毋令俗客漫嘗此味而時揖希聲入坐希聲乃作驕語曰世人皆醒我獨醉

高齋選句：初驚次第春風散玉英檻外新栽麩蘂種竹間虛引轆轤聲雲根裏液仙芽嫩玉盃浮香病肺清更愛君家無俗客素心潦倒不辭醒

和馮萌菴道還招隱用烏字韻詩十首

陰雲漠漠覆平途寂歷長空下白鳧風煖林香藏媚蝶月明夜靜宿檣鳥空中世界誰與語高處天心不可圖却笑海潮渾底事朝走馬為誰愚

世事亡羊盡泣途羨看沙際漾晴鳧盈虛客散門前雀浮薄人憎屋上烏下馬賦詩無壯伎當車橫劍之良圖樽中有酒堪同醉彭澤何

人爲酒愚

瀟：風雨下危途。世亂於今見海鳧。晨歷晉軍徒穴鼠。夜空齊幕有城烏。難書婢子啁啾語。欲畫將軍匍匐圖。可惜青天好雷電也。還啼啞學癡愚。

誰言天外更無途。我欲乘舟逐泛鳧。共報長安星化肉。幾時王屋火流烏。舊家燕子新門第。故國山河慘畫圖。愚谷愚溪名字古。海今有我會應愚。

人世悲歡自兩途。波平波起任雙鳧。一畦宿草耘：鳥萬縷愁絲織。織烏浩渺山川煙。作障蒼茫雲水淚。成圖汨羅江上香。干載肯向此夫量智愚。

與人同世不同途。站：甘隨水上鳧。投老已無十畝地。談玄誰是九齡烏。洗心預擬平淮頌。翹首重瞻王會圖。此願不隨蜃蛤化。蒼天何道慰庸愚。

故園歸夢已無途。一檐離愁伴海鳧。世事紛：還逐鹿中原擾：盡瞻烏既渝宋氏河。湟約又獻燕丹督亢圖。關塞極天唯積恨。令人曾笑古人愚。

大地荒：盡畏途。願隨深處隱松鳧。鳥知狷潔羞臣鳳。隼爲貪庸不繫烏。愁到欲呼八陣壘。春深空鎖十眉圖。魯陽返日心還鷲。何必移山便是愚。

巖關一入盡夷途。悞國何人化野鳧。舊主深情春乳燕。故園殘夢夜

忠介公文集 卷八
驚鳥半鈎斜。山河影一幅。滄州輿地圖。若使千秋無史筆。北邙纍纍定誰愚。

壯懷何事哭窮途。有志難飛葉令覓。逋客狂歌朝拂劍。孤臣浪跡夜啼烏。愁城自熱無明火。疑窟難推太極圖。忠義於人原不負。此生何必諱痴愚。

留別薛子熙

海上文光十丈高。憂時洒淚共縈袍。樽前歌舞能留月。筆底春秋不讓刀。此去無緣伴猿鶴。從今有恨付波濤。陽關愁結飛千疊。一曲滲漓白髮毛。

贈薛爾傳

征馬蕭蕭：此重聞臨岐。把手不能分。自憐蜀道鷓啼血。又痛衡陽雁失羣。淒切雨聲飛竹淚。氤氳愁思亂桐雲。預期後會知何地。我欲剗心持贈君。

留別薛衡升

氣節如君得未多。猶懸短髮自摩挲。嬾於愁日舒青眼。喜向明時捲白波。竹裏風聲亂琴瑟。門前月色醉藤蘿。嗟余生少風波債。不及同來泛穆沱。

留別翁尊白

已從蘿薜訂山盟。又作風波海上行。每對池塘夢尊白。可能杯酒憶希聲。花因醉客枝枝舞。潮為催人處處迎。把手不須頻悵望。烟光紫

處待天明

和鄆萌孺移居原韵

盤空張網笑蜘蛛兀自逍遙雲水居
文旆載還金鳳子墨花飲遍玉腰奴
囊來熱血何妨灑袖得清風不禁通
半夜焚香祝聖主芟衣抖擻學山呼

又和烏字韻海壇山後十日作十首

田園歷：隱歸途望遠難憑短頸鳧
山色兼秋迷燕：海波翻日浴
烏：孤舟吟載五噫句竹影人成三笑圖
載國歸來終有路水枯石爛不知愚

海國飄零自慣途不堪霖雨送晨鳧
一生白面憂讒虎此日清光待渴烏
泣盡故宮秋夜怨寒生前殿北風圖
孤臣隻手成何濟留得真心伴石愚

披草依萊又一途癡兒還自想羨鳧
帝梧未下雙頭烏越棘寧棲三足鳥
石鼓風濤猶有句秦陵山水不成圖
於今世界真如市為問虛中可市愚

難從愁處覓歡途朝夕禁迴伴尺鳧
影神名尺鳧坐對長天飛白鷺望穿
靈海下蒼烏人間奄忽蝸牛舍世事
輕狂蚨蝶圖此日拂衣何太晚松風
幾度笑人愚

誤穿芒履踏荒途不及沙堤一睡鳧
斗酒無心聽楚雀玉盤何日薦梁烏
還依故主看歸市不信胡兒逐負圖
江左衣冠粗定鼎箇中人

自不凡愚

新亭有淚灑何途，慣見山頭人面覓。
蟲欲躬天終是蠶，鴉非仇水竟成鳥。
遙看煙樹雲中景，背指斜陽世外圖。
若使此中堪地隱，不妨野叟共恫愚。

可奈神州作穢途，坐看塵起亂飛鳧。
夜深不斲司更雀，月靜偏多繞樹烏。
鏡裏還應添絲髮，門前何處覓椒圖。
十朝霖雨無人問，春草王孫只自愚。

崢嶸宮闕隱蓬途，夢享鈞天奏白鳧。
願借神兵驅鐵騎，為鞭羲轡借金烏。
小魚擲浪鬚為纜，枯石舒光錦作圖。
春夏已過天欲老，嗟余豁友未應愚。

曉光林際未分途，鴻自飛鴻楚自鳧。
物態因風搖醉草，禽心隨水變寒烏。
汀沙月上孤帆影，島峙煙橫秋水圖。
只恐漁樵相問訊，新栽葵笠學痴愚。

飛蛾猶以燭為途，不羨雲端避弋鳧。
故苑已無歸帛雁，上林偏有借枝烏。
艷陽不照移春檻，韻客慵題倦繡圖。
臨死病中繡舊史，為尋前代幾人愚。



忠介公南征集卷八終

南征集卷九

詩

和五弟錫九原韻

天際孤鴻帶雨飛哀鳴浙
 灘到空幃板來芒履塵迎面渡入溪雲水
 濺衣病骨祇應為詩瘦愁魂猶欲傍帆歸天涯諸弟今零落梨棗庭
 前事已非

肇一錫九兼三協虞弟自广石來又復言別悲喜交集為賦七

言四韻

只道相逢是舊秋別來日月苦中休萬千珍重從前語一霎歡呼無
 限愁破屋曉光蛛喜集聯床夜雨暗泉流寸心淒斷渾無似夜：燈



前懺石尤

朝雲忽破鬱愁天墮落瓊珠到眼前
酌酒欲酬昨夜夢孤燈還對萬
心懸衣看漸漬非關雨坐有潺湲
不是泉為祝愁心休倦懶海天憑
仗一絲牽

題黃檗寺

法乳垂：第一宗深山深處白雲封
慧珠散浪三千界意蕊飛懸十
二峯天際花光分法相門前潭影
落疎鐘生平槩味嘗難盡不及登
臨謁瑞容

送別肇一錫九弟

欲別不別牽弟衣千愁萬愁相送
歸別如歸路常行慣愁似孤雲不
共飛衣色背人花影泣潮聲送客
曉光微一道風帆去如鳥不堪回
首望空幃

兼三弟海上有感戲為續韻

萬山慘綠雨聲中收拾繁華一枕
空故國蒼茫衣帶水滿船歌吹大
江東布帆籠盡峯：曉羅袖涼生
浦：風一曲伊州無限恨不堪悲
淚灑衣紅

帝子江頭望不歸瀟湘夜雨哭江
妃竹邊紫黯苔錢重蓬裏清商怨
字飛思與谿雲聊習靜未能鷗鳥
共忘機書生無用談兵法相傍樓
船坐日暉

飛將爭傳海上威千橈路進識兵
機荻為長劍銛於鐵潮作重關高

似圓金印光搖滄海國銀筵寒炙錦筵輝朝廷近日輕封拜為築沙
壇聽指揮

與徐閣公手遠舟中晏坐閣公有五湖之行贈別

總為安危繫此身一梭海上織愁頻龍蛇未定功名賤山水誰聽珠
玉貧已棄鄉關萬里夢又看霖雨五湖春相期今日樽前酒談笑困

困第一人

贈戴棊臣

申胥裏淚向秦關一望洞庭血雨殷罵賊英聲懸日月從戎壯節動
天顏陣前麾扇身皆膽帳下論兵米作山莫以時艱不得意便思拂
袖枕潺湲

贈張日永

幕府多才未易儔布衣長揖傲公侯姓名不落庸人齒肝膽狂呼大
白浮長劍倚天能割曉悲歌滿座自飛秋知君不是功名客一片丹
心射海流

贈董承之思白先生孫

騎奔騰萬灶寒幾隨飛鳥度雲端舊時客夢鷓啼血此夜臣心月
照灘只為先人五世澤敢辭行路一躬難中原聞道多豪傑博浪誰
如君報韓

咏茉莉花

一枝薄：小樓粧雅韻隨風度短牆月樹遙臨初破蕊星光低壓乍

凝霜素馨高謝胭脂兩密葉微分薛荔香若共梅花補玉友逢人應
說小南強宋使至南漢不識茉莉劉

咏石榴花

野徑尋花：夢慳春歸去也幾時還獨留名字浮杯酒有酒名石榴花為惜
風流掛指環吳潘夫人火齊指環掛相得一枝綠國媚羸來五月散
春閒何當寡入神仙譜賈耽以海棠化為紅雲護聖顏

移居海壇山時方競渡寄慨

紆迴山勢抱荒村草作藩籬席作門崇嶺猿啼家萬里碧天雲靜月
初痕榴花似蘸心中血棟葉猶香水底魂郢路淒涼誰似此年：海
上望中原

海山有感

滿樹流鶯不耐聞閉門甘老蠹魚群已羞獻納臣他姓恐抱鬚眉待
聖君夜月機絲愁織字深山烟火客樵雲徘徊四顧身何在一半華夷海上分

客中愁遣

雲際沙邊自渺茫故鄉今已作羶鄉共張肉爪隨蠅虎更覓魚食餉
鼠王我自飢羞烟上月人誰寒臥劍頭霜中山一醉真難得好向希
夷乞睡方

秋薦

粒：芬芳出土時經風耐雨老農知禾因地德猶如此人不空桑尚

念茲故國離：成舊恨荒庭草：薦新築先人為卜居歌速應喜衣
冠是漢儀

續悲憤詩

長安樹色曉雲封夢繞春明一萬重玉燭希微亂寒暑翠霓縹緲散
圭琮小臣涕泣存荆楚女子歌詩復叩闕天下男兒寧獨我癡心應
有護神龍

病中戲和秋史韻

四序消沈剩一秋：聲秋影不勝憂島浮宮闕鰲移柱海現衣冠
化樓斗酒青天呼月上一帆煙水載書遊蒼：幸有如清志雨戟霜
戈會報仇

只疑白帝未經秋每對風霜尋：夏幕府論兵祇末厥無用兵謂帳
前陳策半何樓今人稱虛偽報韓一擊書生事去國三年孟浪遊片
片血心誰共語怪呼聲影壯同仇

寂：長天一字秋從空碎作百年憂憑添昨夜春江水更憶他年鷺
子樓風雨陵園猶薦恨衣冠原廟幾經遊孤臣北望徒悲哽何日長
驅大復仇

當時已自不堪秋况復經今幾度憂滿眼風霜猶涕：旦天戈戟鬱
樓：飄零楓葉人俱醉咏損梧枝鳳不遊草木兵威前代事無端羅
拜望同仇

又來此地賦悲秋喚起錢江舊日憂貧似馬周難獻策才非王粲也

登樓雷霆失勢蛟龍嬾城市吞聲虎豹遊天醉至今還未醒何時解
釋萬方仇

孤心橫結一天秋笑語無端總是憂故國淒然風過水主人何在月
明樓傷心吳井難沈字望眼嚴陵可共遊宋末謝臯羽隱嚴陵哭文丞相滄海恩深
忘敵懷安知恩處不成仇

夢肇一弟仍用秋史韻一抒哀感

夢裏相逢夢亦秋酸、楚、不勝憂渡來愁影雲千疊照破離顏月
一樓視國暗連鄉國近角聲寒帶雁聲遊一家散碎天南北屈指神
潮為報仇

和秋史韻却寄黃嵩公銓部

斜日西飛一晌秋餘暉不散杞人憂又推子是千金鑿欲臥君於百
尺樓帶水孤光相上下坳堂杯血共遨遊定交縞帶云何事風月今
宵話復仇

和秋史韻寄弔林于野塗先生

墮落瓊瑰滿地秋殘箋裏淚寫離憂龍梭擲棹三千丈俠骨飛騰十
二樓地下寒風吹不散日中金魄快哉遊先生有友能成事白馬前
來已雪仇

白露橫江是月秋先生死也更添憂逝將乾海摧鯨翼便欲排空碎
玉樓厲鬼於今還不戴夜臺何處可同遊醉來若過經行路酸雨辛
風訴舊仇

遊天竺寺

浮生傀儡線兜牽，浪把春秋一擲還。
暫拂塵緣芳屐齒，何煩鐘鼓動諸天。
風聲弄竹閒成韻，石罅穿雲暗吐泉。
戶外干戈方滿地，數峯青借老生眠。

壽建國鄭羽公彩

十指尖開曉日遊，威名走馬龍言幽。
州營依細柳，春光近帳坐河魁。
紫氣浮如礪盟山，紀曆投醪飲海。
添籌懸知忠孝長生訣，浪說蓬壺在十洲。

贈劉河山中藻

愁倚蒼天，欲歌吾王何狩未歸期。
痛看血國三千里，恨織詩人十

二時西夏始驚胸，有甲荊州不藉紙為師。
大明恩澤深如土，種得丹心一漢兒。

十二日立春

淡：輕風海上來，天回生意即今纔。
難消舊恨花枝嬾，不耐新詩燕語催。
日色昏黃初上柳，遊絲飄拂乍經苔。
已拚顛顛經年眼，為爾春光著意開。

元宵初度

城邑荒：世界孤人生，也不如無千秋事業空。
霜鬢十載繁華只老儒，鞞鼓動來春色暗。
家山入破旅葵枯，江州一夜琵琶淚濕盡。
青衫幾個吾

聖安皇帝發喪弘光廟號

哭君無路只荒村昨夜春江漲水痕難向黃沙覓龍種不堪青塚伴
王孫陽臺神女行雲晚蜀道淋鈴怨雨存五國城邊千載骨月明應
照未歸魂

翩：哀旌繞城端故國遺黎夾道看楊柳隋堤飛絮盡鷓鴣越巖曉
聲殘雲尖覺得山眉皺石骨鏡令水帶寬麥飯一盂何處洒春來寒
食不勝寒

游百洞詩并序

洞者何山石相負如屋之玄料：然雲氣出納其中故名之曰洞
也百洞者因間抵巇通劣得步洩乎以陰訝然以陽盡態極妍不

可一狀故名之曰百洞也董忠介公之所構也或曰前此不著名
乎曰猶之摩詰不生輞川不出右軍不禊蘭亭不韻德行立已名
譽成人山水資人而得名也抑又論之摩詰之於輞川右軍之於
蘭亭姑而有合知己也朋友之道也忠介公之於百洞拂薈裁蕪
穿雲引月若天資既美猶須陶冶累惑乃成令器師也父兄也今
者董公往矣逸少有言情隨事遷感慨係之吾師遊黃檗見文忠
題咏留連不已曰公罷相後璫禍矣捐館後今日矣先生：於神
廟之年文章事業炳：宇宙猶以其餘力締構泉阿逍遙引年今
其何如茲遊也不同茲慨乎余竊意今日先生在者必飛長斧以
鏡狼狐扇仁風以救刁俎決不至於我輩潑：下新亭淚也或曰

先生往矣安得起九京而事之余曰子不見夫茲山乎孤峯矗起峭壁削成斗上斗下不可諦視鼯鼯不敢遊其巔穀擇不敢犯其下是公所以居身也豁：下開傑：柱立天施其斧公引其針天雕其樸公丹之艱從斜得整從暗得明從斷得續張理天綱補綴漏目是公所以居業也四阿無險平徹中繩蒼藤漫交怪石虛倚以為徑盡及乎側身旁眺咫尺之內別一壺天意匠真運心杼旁通經緯天地刀斧山川是公所以行文也百洞以公為師余又以百洞為師茲遊也目擊而道存矣先一日余欲遊百洞意甚健決孝兼語余曰往昔遼瀋之變董先生閉齋閣坐涕泣聞文忠公將遊鼓山移書誚責余聞斯言毛髮竦豎遲明戒毋往董生強再乃行今得此遊也董公有知當不孰何我且為逋客語山靈其勿勞峯譏壑訕哉一時同遊者為巒稚吳夫子魯菴劉先生陳君孝兼薛君明馨董生時登暨余弟錫九見石上題葉臺山句咸起屬和余為序其大都云臺山先生福青人謚文忠文章事業彷彿公同喜遊名山所至題詠或曰福廬臺山手筆也亦奇秀

直上中峯路欲迷手褰蒙氣弄晴霓線天側：雲根瘦危壁鱗：石齒齋苔蘚蒼寒凝素乳辟蘿香細度前溪子真谷口今安在入徑平蕪鳥亂啼

為迎幽客啟雙扉却放鐘聲下翠微暫借石支滄海骨不將心共嶺雲飛山腰劔玉天工斧仄道連虹巧匠機移此精誠補天日愜心何

必在漁磯

和水居詩

誰將玉斧構雲宮。手琢山腰片。紅地脉暗移。辰自北天門。重闢帝
居東。滄溟水帶甘泉液。柁櫓聲來石臼風。想望中原經歲眼。只看煙

水繫孤眠

水上關如百二重。樓船高卧一丸封。九重行旆隨飛鳥。午夜潮聲報

曉鐘。山色翠連青雀舫。海雲晴護絳紗籠。太平笑語無多日。坐看山

頭又舉烽

恰如無事泛春江。柔櫓輕橈漾急瀧。行向沙洲疑地盡。試將杯酒喚
愁降。貧兒辛苦餘霜履。戰士呼庚急月春。自笑海鷗渾似我。聞來聞

往只雙

九日

暮笳淒切動江流。景物逢人憶舊遊。帽落風前猶見髮。菊迎籬下獨
悲秋。浮生詩酒百年債。故國風霜一擔收。極目煙波無限恨。兼葭兩

岸使人愁

朝：擊楫向中流。一片蘆花綴遠遊。此日樓船江上渡。誰家簫管曲
中秋。荒陬銅柱名猶在。仙掌金莖露未收。偏是登高窮望處。暮雲掩
靄不勝愁

江水渾如天際流。布帆何事此遨遊。扁舟載病身如髮。剪燭憂時話
是秋。南北舊朝生後事。宋元遺恨眼中收。孤臣多少中原夢。夜：狂

風不散愁

人自傷心水自流無端猶憶少年遊悲笳吹破南朝夢哀雁飛來塞外秋樹色初昏嚴鼓動星河欲墮夜帆收高天渺：何繇訴雲闕徘徊只獨愁

長安消息付東流悔不當初秉燭遊客子偏逢九日雨高天只隔一山秋鏡臺寂寞芙蓉冷玉粒摧殘鳥鼠收自是孤臣容易苦漫言茱菊為心愁

昨夜黃昏星火流又看九日客中遊舊時花鳥逢人醉深處雲山護我秋玉帳曉寒霜正落金風夜散菊全收百年心事不忍說猶道長江未是愁

年華滾：逐江流幾日相從馬少遊戶半灰塵三月火夢回風雨二陵秋蒼茫燕雀歸何處冷落胭脂漫不收一部史中說未盡墨光迸出萬重愁

新亭客淚咽江流相對淒其舊日遊燕子樓前胡地月琵琶聲裏漢宮秋無端節序經年別不盡關山一望收荻岸紛：非有恨向人無語亦含愁

已自傷心水北流尚餘鴻雁向南遊幾回夜月移帆影一道鄉心入夢秋荒草坡前煙未斷白蘋原上骨誰收他時若個龍眠筆畫出長江一幅愁

北來鼙鼓震江流戎馬場中作浪遊水色空濛寒月靜山光蕭瑟暮

烟秋千年旺氣衣冠改一卷蘭亭風雨收偏是生來逢喪亂滿林紅葉遍書愁

一生心事對寒流有志無成愧俠遊涕淚關山杜陵句蒼茫烟水洞庭秋風生樹杪萼初壯露滴空塔桂未收白髮數莖無奈老不應愁處更添愁

風塵轉眼葬風流負國諸公地下遊月白霜微寒色嫩燐青露濕鬼聲秋水光迴合朱旗繞劍氣橫空玉壘收天意即今方有待滹沱河畔不須愁

忠介公南征集卷九終

忠介公南征集卷十

七言絕句 詩餘

與碧居省言二上人坐月戲作偈問

東在虛空月在林水光月相自然心水月印心：不著師於何處下

金針

送虛白上人至德成巖漫賦二首

隔溪山路自氤氳溪色山聲此送君却到前峯屢回首一行：處萬

重雲

寂寞愁中自惜群秋聲送客不堪聞漫隨杖履看生意覓得鋤頭種

白雲



山居偶成四首

一片秋山入畫迷，幽人來往畫橋西。為誰畫出傷心處，前路溪雲似

會稽

世事浮雲不復論，煙霞一擔餉王孫。函關任把泥封却，不遣松風度石門。

又唱陽關第四聲，滿筵秋色不勝情。別來驛路知多少，客夢猶能繞

渭城

故國風塵只涕零，他鄉巖谷作居停。欲騎石馬東歸去，踏盡桑田草不青。

題畫七首

蕭瑟寒牕展畫圖，夜來風雨護愁株。長安多少傷秋客，不及江南一

鷓鴣

遠樹參差暮色侵，亭裏宿秋心。雖然搖落寒江影，獨抱霜柯傲

夕陰

木葉經秋不待風，便逢晴日也蕪蕪。止應留取寸心在，洒落枝頭片

片紅

天下痴心誰似余，秃枝憐我憐渠。渠亭邊若畫痴心子，開卷應聞有

嘆歎

筆底誰傳澹寫容，墨痕飛濺曉雲濃。晴空坐對心如洗，夢繞瑤臺十

二重

忠介公文集 卷一
故人何處雁來遲三匝驚飛未定時一片寒心爲持贈瀟湘秋浦話
新知

平不侵尋發舊醅芳菲誰識個中裁主人茂德猶瓊樹手植梧桐待
鳳來

雲歌別諸弟十首

濃雲繚繞又重圍怯風吹愁不飛應似相憐憔悴影一函玉鏡閉
光輝

濃雲不共人俱別密雨猶將淚共飛只恐中途風力軟一天隔斷兩
霏微

憶昔庭前花正肥一輪明月弄光輝於今無復當時景故使溪聲夜

夜飛

天邊孤雁羽聲遠獨有浮雲相伴歸更把愁心託雲去泥他懷袖莫
輕飛

棣鄂庭前花未闌奈逢秋老北風寒愁心無限旣出正似山頭雲
未乾

潮水何如雲有情榜人齊槳夜潮聲一從帆影離南去今日雲頭向
北生

海樣離憂一半分共將好語慰離群沈沈夜路無窮已界破青天望
白雲

只爲雲多隔雁飛萬重烟靄使心違故鄉我自風塵裏笑問浮雲胡

不歸

方穿野徑草淒淒；又逐浮雲過水西。更是雲深無盡處，夜添猿鳥一床啼。

蜃氣吹空自結陰，白頭悲喜幻相尋。人生不改凌霜節，便洗雲根見石心。

偶和吳霞舟夫子十吟

干戈遍地彌山谷，剜肉為瘡。不肉我師不遣斷，洪橋虜兵又報燒。

聞讀

福青鄉名

只見殘屍枕山谷，待死提筐割殘肉。窮儒閉戶不忍為，抱書欲賣無人讀。

秦鹿縱橫逸荒谷，中原彎弓爭逐肉。幾時射鹿還解弓，陸賈新書馬前讀。

手提刀斧劇山谷，山崩血流天墮肉。英雄那日起戰場，血眼橫披漢

書讀

將軍驅人出山谷，擬金鳴鼓餉人肉。行逢山谷還有人，自此兵書不須讀。

胡床愁坐：不眠孤舟夜吟；不歌生憎天地不如前，推出丹心作日月。作讀做

參虎揚芒氣魄；玉床搖動天為客。有人問我輿地圖，遙指滄洲一片石。

忠介公文集 卷十
四
呢喃燕子巢無主足下紅絲猶舊縷一輪明月照空梁落花陣：黃昏雨

年華道盡冬復春西山日落崦嵫逼虫：白晝愁坐生二月東風又寒食

有酒難共彭澤杯有船難發剡溪興高山無人深處行松聲徐來倚石聽

鏖戰經年誰舞纛盤旋蟻走空局：城上寒雲亂鼓鞞城中烟火炊珠玉

楚弓原自楚人失收拾歸來正無缺如何我友勿回思恐膏城野生靈血

解天烽火方未息娶婦哀吟廢宵織孤舟沈：夜漏長鷄聲欲曙不能刻

昔年已歎薄命薄今日空悲落花落何時斗出日月來百萬妖氛咸退却

題文昌閣壁

桃李吁嗟上徹雲文昌何日更昌文毛錐無力支天壤熱膽為香一訴君

哭內十怨

情死情生宰地波老天何苦造情魔花開費盡春風力及到飄殘也是他

曉道情：總逝波痴心只是結成魔月光西墜明山上人事如何得及他

深：長江無限波大家生受一場魔香窩終老燕歸去來歲重來恁是他

方寸橫開萬丈波蒼天明是小么魔一團恩愛平分手我自吾：他自他

怨：恩：萬疊波別來無計斬妖魔黃泉路上如何苦夢也無由得到他

高岸撒手自波：割斷從來十丈魔王環隱起重生會此事如何望得他

三十餘年苦海波道心何事惹成魔一爐佛火紅於昔不遣慈光護着他

胸前血淚瀉春波欲遣魔心又是魔種得情根深兩地瞥來風雨奈何他

常時別淚損黃波到得歸終不受魔春花解悟虛消息蜂蝶多情一任他

湛：虛空本不波無端冤業眼前魔雙鸞擬宿梧桐老一夜霜風拆了他

十恨

秋水蓮花不染塵分明香國再來身蚤知香色本無住錯嫁盧生夢

裏人

昔年官舍病如絲，叫出蓮花大導師。媿我無緣能救汝，夜深挑淚獨垂。

誤作香溪隊裏人，十年官誥未經身。黃蘗債盡還歸去，敗絮殘機剩苦辛。

一航同載海天來，怯：驚魂幾自裁。留得一絲薄命在，怪風盲雨又相催。海上遇盜婦欲自投海水

漣天渺：路修長，何不相携共一航。即未並棲珠樹鶴，或能乞得返魂香。

似汝清修也，促年難將弄子卜。前緣始知天上渾如黑，日月繇來不

照天

杳然。擬脫朝衫掛水田，相期携手禮金仙。於今喪亂空回首，如此光陰亦

聞道明山虜，騎橫故家重復禍。刀兵阿翁已死，不忍說流水嗟：作怨聲。妻父為虜，逼自盡，恐婦悲傷至死，不忍言。

天際孤鴻向北飛，看從雲外報平安。一行書信千行淚，未到家鄉肉已寒。病中猶遣老僕問其家信，計死時家人猶未到也。

真訣分明護色身，靈丹口許現奇因。無端幻出悲歡相，佛子原來解弄人。廿七之夕病已不救，忽得一佛方服之，遂大減，然卒不可救。

十憶

憶汝當年來嬪時燭花菡萏發紅枝里中婦女爭誇口盡道兒家瑞

應奇余娶時花燭燼上忽見雙荷花枝葉分明見者嘆異

憶汝于歸正食貧朝炊寒水暮烹薪閒時向日縫針線十指絲：盡是皺

蛾眉命薄古來嘆汝不蛾眉命亦單風雨無情渾作惡春深何處不摧殘

手寫紅箋託素鱗寄來還自帝陵春殷勤為道長相憶不遣春風幹

當人余初第自京師贈內詩有樓頭為有長相憶不遣羅敷問姓秦

梧桐影裏立朝班八月京華未得還便使三年猶見汝鏡前何事惱

春山余初第候選留京八月

少年離別在他州百日光陰九十愁便我承恩新拜寵何年不是皺

眉頭

日吉辰良宅兆成綵：皆是汝經營即今原上松楸列不使勞人一

遍行婦經營余先人宅窆遭亂不送葬今又客死不得一視

為我憂危不忍云勉將好語慰離羣只今一雁橫秋影叫破霜天汝

不聞婦欲囑後事恐余傷心而止每聞余哭輒大言曰我不死

北堂護草嘆伶仃共此辛酸五歲丁汝更遭逢不堪處背人無語淚

偷零余與婦同以五歲喪母余遭母賢婦未免單衣之恨

余將蹈海訪蓬瀛汝見余書不欲生隔汝雲程幾萬里誰憐余後海波行

思公文集 卷一
擣衣聲裏百千情風急天高送遠聽今夜月明人靜後風來別處擣
衣聲

十願

當把菱花手自親菱花猶在已生塵願將明鏡推為兩覓取中間啼
笑人

百年離別泣空樓聞道魂能下月遊願吐心光流作月照君憔悴上
雙眸

不能割肉隨君化豈復流心度歲華願把余心先化土種君舌上放
蓮花

玉帳空凝半榻塵抱愁無語自吟呻願分我影為爾影合作燈前一

個人

繡戶無人夜不扃起看天上斗初橫願將 氣隨風落吹動君身環

珮聲

暗海難從琢石靈孤燈無奈抱愁暝夢中若有蘼蕪贈一枕遊仙誓
不醒

空山日落斷雲橫短笛吹愁向月明願把情根還化草叢繞却墓
傍生

箇是傷心月墜樓妝臺人去暗飛秋不辭杜宇聲淚啼得殘花上
樹頭

鸞膠續絃不續心縱然續得非初音所以鍾期一朝死伯牙千載無

鳴琴

萬劫情苗向汝栽寸心堅許不成灰陽臺雲雨從來穢不許將他入
夢來

十懺

與汝期為連理枝狂風之下有差池要知別有栽培種帶土和泥總
不支

與汝期為比翼鳥惡風吹散好因緣要知鳥翼何從比鐵線金針也
會穿

與汝期為天上星雙懸永夜照雲軒要知天上浮：影便是池中泛
泛萍

與汝期為百歲娛一垣長護此情株試看上古鴛鴦塚尚有鴛鴦出
現無

人世疑團非一朝蕉還覆鹿：疑蕉玉環了結前生恨此後環痕到
底銷

與汝期為天上雲虛空來往任氤氳豈唯雙劍神終化合得雙時到
底分

與汝期為木上花離：結子足成家誰知子熟經人採骨肉拋開別
放芽

從來千佛結成胎劫：生：度世來認取多情原是佛拈香呪水總
塵灰

與汝相期在薜蘿一爐香篆供維摩有心佞佛都成業日自流天水
自波

雖然閨秀可齊僧學道忝禪汝也能莫把如來當墻壁踢翻蓮座任
騰

十期

與汝期兮水之湄高天曠：雲為帷出雲入雲不見汝寒蘆一夜聲
悲

與汝期兮燈之下青光炯：垂空野漏聲欲盡可奈何空庭露濕梧
桐也

與汝期兮花之陰明月昭：當我心明月西沈花影寂羅衣空受曉

風侵

與汝期兮山之阿四壁鬼聲哀怨多重泉糾合無邊際一帶香雲覆
薜蘿

與汝期兮在國門香車油壁去如奔入門各有相歡處艷李濃桃非
我存

與汝期兮在鏡中鏡綠已盡各西東人言破鏡能重合我鏡飛光到
日宮

與汝期兮在夢中柔情不斷藕絲風睡御路折峯：鎖一夜離魂逐
斷鴻

與汝期兮在鮫宮擘水分流一徑通拾得扶桑繭如甕織成愁字掛

帆紅

與汝期兮在闌苑欲往從之路塞：織女黃姑歲一逢莫怨銀河相隔遠

千期萬期總弗如百歲之後歸其居白骨深山秋草沒雙：永夜月明初

詩餘

詞金門 秋風

天正碧葉落枝頭無色昨夜簾前戰聲急羽書飛報捷 掃斷妖雲
千尺捧出一輪紅日山外青：松耶栢慣風前獨立

又秋鴈

鋒正急割斷江南江北唯爾依然飛不隔起秋風羽翮 來宿寒林
月色驚起愁人脉：欲寄征書問消息去長安幾日

唐多令

和文信國先生旅恨用其原韻

舊恨指蘆花新愁結暮笳織興亡寒雲一校千古淒涼輪到我挑冰
雪賣誰家 曉日上牕紗輕禽散晚衙木蘭舟有客咨嗟不道江南
渾似水愁帆指夕陽斜
往事憶堪嗟歸心逐暮鴉二十年南北天涯破屋半間還未許浮雲
外旅人家 白眼看繁華風流安在耶同奔走幾緡麻鞋欲借東風
重拾取蚤蹴損牡丹芽

沁園春

東甌有文信國先生祠吾父典教瑞安率余登堂瞻拜投詩
寄吊令身遭亂家國茫然追念斯事又感先生過睢陽曾賦
沁園春一闋戲做此詞仍用原韻

潮聲送客月影依欄是日登高見綠草萋萋半含烟雨霜林撼盡
寫悲涼四壁虬龍夜深呵護如見先生鬚髯張斯時也吾先人評論
杯酒興亡曾裁詩句冰霜吊檻外蘆花秋自傷痛先人萎謝家乎
何處塵肆起國也其亡風掃殘雲雨催行潦燕子秋來別畫梁空
回首憶舊時登眺目斷斜陽
胥義為糜粉忠作膾此味同嘗况秋風約恨遙聯袂帶汗青傳語共

嚼冰霜家在滄洲人隨鷗鷺願向廬陵認故鄉前此者有先生心事
古廟睢陽傷心先喆云亡又古廟黃昏月滿墻嘆茫茫煙際與天
上下漸石裏剪水封疆背地伶仃對人皇恐風雨重過舊日洋夫
何故說先生姓氏嗅也還香

金鳧已飛石犬不吠遮莫神仙但萬里光燄眼前金魄一壺秋水心
上婵娟銀闕長春玉樓不夜刀劍場中足引年君不信問夢炎留氏
鬼哭荒烟賢愚豈有判馬只怖死貪生一線天看鞞烈男兒
一個哀怨血淚千篇取義成仁而今無愧了得詩書兩字綠應
還恨江心坏土又渡腥羶

賀新郎

本意為張子任

偶向池塘下見藕花深處鴛鴦雙：睡者對此情懷何能已倩取風
媒月嫁蚤則並鳳鸞流亞籠得一床花似玉趨香風燕子歸亭榭為
報道春來也 涼陰綠樹黃鶯要正紗窗宮樣新粧眉兒淺畫香汗
鮫綃都濕透紅雨暎暗乍洒好安頓鳳樓鸞社綰結同心天欲老醉
天公還乞今宵假夏之日冬之夜

憶肇一錫九兩弟

寄與秋鴻說所苦是一番歡會一番離別心上轆轤牽急縷悲喜無
端雙匝好一似鼎中熬汁愁裏關山一點小破不開幾重門闕痴著
眼風前立 沙漲潮平流水疾 此下少三句 溜：帆過明月牽不住

愁絲千尺夢逐浮雲魂度水有兩人慘：聲淒切吾弟也寸腸結

滿江紅

海上寄慨

何處吾家撐不破一篙煙碧人道是遨遊雲漢嘯歌赤壁我怪青山
籠日月海波新浴雙丸色便移家相近水雲中天三尺 何曾學萬
人敵耽一卷成陳迹算今來無用不如錢癖明月照來塵一甌春風
釀得愁千鬢問海鷗何故更窺人曾相識

上廣漢宮問嫦娥為誰顏色滿世界 風腥草邊塵迷闕一嫗狂奔
城隍墮六鰲翻動天歌側願將人裹在卵黃中從今歇 香爐殘蘭
膏滅鬼嗚咽牕前說吹不盡西風人間怨血團扇空含秋夜怨雀臺

忠介公文集 卷一 十四
蚤墜西陵月嘆天邊剛只一宵圓：隨缺

又和王昭儀驛壁韻

長信宮中留不住一枝春色何處覓風臺月榭玉樓金闕樹底鶯聲
花夢懶簾前燕語春寒側恨紅酣綠醉也年：偏令歌 蠟炬紅青
蛾滅隋堤柳無人說看淚落胭脂玉壺凝血青塚不生胡地草綠珠
拚碎高樓月願千秋留取驛邊詞應無缺

又軍人有伐松為爨者漫調

百尺枝頭空搖落一江秋水看南北龍樓鳳閣金鋪玉蕊幾日笙歌
鶯語韻一朝憔悴花魂褫况深山不用棟梁材吾休矣 斧斤劓蒼
龍髓鱗甲墮青苔紫便梧桐爨下猶然半死豈有休徵移合浦也無

嘉樹名君子但逢人為說歲寒心應留耳

又病中寄慨

滿世瘡痍何獨我藜床支骨應堪笑新來病鬼伴他貧客一抹孤煙
天外冷數縷香篆空中結問年來祠禱是何方心頭血 春風起幽
禽說秋草罷聽鷓鴣生世幾何繁華頓歇京洛魚書千里浪故園蝶
夢三更月怪陰陽無故又欺人淒涼絕

又

墮地為兒渾則是風梳雪沐只借他溪邊流水雲邊茅屋愁捲汀蘆
波上下醉看沙鳥天毫末便些：受用不為多天還勿 古人說禍
兮福如寒暑相迴復吾豈向紛：疑蕉訟鹿家裡兒童痴更好腸中

蠶菜綠應熟有一朝
晚晚駕龍行神為僕

舟中感懷

道是漁郎不是道是泉
不是雨：又風：嘗盡水中滋味全未全
未還向煙波沉醉

思帝鄉

本意

思之玉階鳴仗時
天闕初開新日射
果擘簪履如雲齊
入袖香歸步遲
猶記長安車馬亂遊絲

又

難禁帝城春思深
紫燕紅粧嘶入落花陰
隋苑秦宮還又斷
碑風雨

侵只有杜鵑三月哭春心

又前調

悼亡

愁：曉雲飛鏡秋簾燕初歸
香雨落空樓寂寞闌干無語
月明江上浮添箇離魂憑水向東流

烏夜啼

悼亡

曉來一事如鈎貼心頭
恰似青山高插數峯秋
雲度水風穿紙不堪
夏一夜西風吹老白蘋洲



忠介公南征集卷十終



